

Deborah Crapiz & Doriana Alessio

A Sant Ramacul



Deborah Crapiz & Doriana Alessio

A Sant Ramacul



Projet finanziât de ARLeF - Agjenzie Regionâl pe Lenghe Furlane



Tescj di *Deborah Crapiz*
Dissens di *Doriana Alessio*
Consulence linguistiche di *Raffaella Picco*

© Corvino Edizioni
Proprietât leterarie risiervade
www.corvinoedizioni.com

Setembar dal 2018

Litostil® sas di Corvino Nicola e Michele & C.
vie G. A. Pilacorte, 2 - 33034 Feagne (Udin)
Tel. +39 0432 800640
Fax +39 0432 801241
www.litostil.com

Chest libri no si pues vendilu ugnul

ISBN: 978-88-6955-052-2

VUÊ E JE
UNE
ZORNADE
SPECIÂL!
DUCJ
PRONTS?
SI VA A
SANT RAMACUL!
IRME E MET IL SO AMÏ GJATUT
INTAL RUSSAC E...
VIE A MARCJÂT!



INTAL PRIN BARACHIN CHE
A CJATIN, A SON CUNINUTS,
RAZUTIS, COPASSIS E
ANCJE UN PESSUT ROS.
A **UT** I PLASARÈS TANT VÊNT UN.
MA IRME E PASSE DRETE.



INTAL BARACHIN LI TACÂT,
AL È PLEN DI VISTÎTS PICJÂTS
CHE A SVINTULIN.

IRME SI ZIRE DI BOT E

UT AL RESTE INVOLUÇÂT INTUN
BIEL GRUMÂL A ROSIS.

BIEL CHE AL RIVE A DISGROPÂSI...




IRME E JE ZA CHE E MANGJE... UN
NÛL COLÔR DI ROSE!

UT AL SLUNGJE LA LENGHE...


IL NÛL AL SA DI ZUCAR!

CE BON!

MA LIS MOSTACJIS CUMÒ A SON
DUTIS TACADICIS!



INTAL BARACHIN UN TIC PLUI
INJÙ, A VENDIN SCARPIS.
INTANT CHE IRME SI PROVE UN
BIEL PÂR DI SANDULUTS, **UT** AL
PENSE A CHEL BIEL GJAT ELEGANT
CHE AL À VIODÛT PITURÂT
SUNTUN LIBRI DI FLABIS...
AL DECÎT DI PROVÂ UN
PÂR DI STIVÂI.



«NO LARÈS LONTAN CUN LÔR.» AL
PENSE E AL VA INTAL BARACHIN
DONGJE, LI CHE A VENDIN ZEIS.
A 'NT CÎR UN SU MISURE
PAR UNE POLSUTE.
MA A 'ND È TANCJ: NOL È CUSSÌ
FACIL CJATÂ CHEL JUST!



RIVÂTS IN PLACE, SI SINT UNE
MUSICHE FUARTE.

AVIONS, CJAVAI, BESTEUTIS DI
OGNI SORTE A CORIN TOR ATOR
INTUN SFLANDÔR DI COLÔRS.

- **UT**, LIS GJOSTRIS! -

E VOSE IRME.




E COR A CJOLI UN GJETON E INTUN
LAMP A SON SU LIS CJADENIS.

- TEGNITI UT, CUMÒ O TACHÌN A
ZIRÂ DI CORSE. AL MOMENT JUST,
TU SLUNGJIS LA TALPE PAR CJAPÂ
IL POLEÇ PICJÂT LÀ SÙ.

«SE SI TRATE DI CJAPÂ UN
POLEÇ...» AL PENSE **UT**.

MA LUI AL È USÂT A CORI, NO A
ZIRÂ CU LA CODE TAL VUEIT!

I VEN UN TIC DI INZIRLI.



- ANÌN SUI AUTOSCUINTRIS!

UT NOL À TIMP DI POIÂ LIS
TALPUTIS PAR TIERE, CHE ZA IRME
E MONTE SUNTUNE MACHINUTE E
E TACHE A LÂ A SBATI INTOR DI
CHÊS ALTRIS.

ALTRI CHE UN TIC DI INZIRLI,
CUMÒ AL ZIRE IL MONT INTÎR!



BIADELORE CHE SANT RAMACUL
AL VEN DOME UNE VOLTE AD AN!



Finît di stampâ intal mêis di Setembar dal 2018
li de stamperie Litostil® sas di Feagne (Udin) Friûl, Italie
www.litostil.com

